

陵川縣志

庫增銀題

陵川縣志卷八

古蹟考

殘山賸水廢址荒邱關係地方歷史者甚鉅不惟得失成敗足資觀感而好善惡惡之心基於此者亦不淺如近代之鑄銅像造浮圖建豐碑皆欲使人追踪芳烈之意也志古蹟

箕山履跡邑東二十里箕山石上有巨人履跡相傳箕子因商淪亡避地於此及武王訪道易履而行今其遺跡云

馬武京峇邑東九十里馬武山傳漢馬武屯兵於此遺址尙存山之棘無倒刺蛙不鳴謂光武衣被牽破故去之厭煩聒故禁之錦屏山宋都君錫隱居於此山多芍藥邑令呂由庚牽率名流結

陵川縣志

卷八

古蹟考

芍藥會

蓋城古蓋城縣治今廢在縣西南五十里

趙狀元帥臺在楊寨村相傳趙狀元安時爲南京路都總管時屯兵於此

御書樓太原郡侯武明甫奉御書處

棣華堂邑中城南郝文忠經曾大父兄弟七人同居友愛植棠于庭

金郝處士天挺墓碑城北三里楊大坂門人元好問撰文

金劉景元碑元郝經有讀鄉先生劉景元碑詩太行元氣果不死弊世有此魁傑士胸中羅列世間書泛異窮奇無不至又云九

臯清喉誰不聞海內至今揚清芬鄉閭晚生不及見掩淚空讀
遺山文

蘇墳別業金詩人秦略所居元好問送以詩天隨杞菊年年新石

田茅屋連蘇墳

貞白書院古賢寺側明袁邑令建

落鴈池在城南元郝文忠公故第側擬汴之金明池公有帛書繫
鴈足事比還之歲弋者獲於金明池上後乃因公門人郭貫上
之帛詩留東觀公時爲元國信使使宋賈似道當國冒功留館
者十六年其詩云霜落天高恣所如歸期回首是春初上林天
子援弓繳窮海纍臣有帛書邑人于公故第東一池名曰落鴈

陵川縣志

卷八

古蹟考

一一

池孫令盤立亭於池上刻鴈足詩以表之其在儀真館一詩云
持節江頭久食魚館人供鴈意踟躕呼兒細看雲間足恐有中
原問訊書

仕林莊邑東二里先後士大夫多居此

仙人橋在縣東南六十里相傳有仙人指引鑿絕壁開陡迤而大
路始通橋南石上有仙人履跡康熙甲申以虎傷人建元壇廟
鎮之後橋壞民國十九年知事王錫禹重修榜曰行巔第一橋
有碑記

黃圍山絕頂祖師殿後有塚相傳爲五祖聖母塚今築以石隆然
可望後有玉帝廟再後有五祖廟

天橋在黃圍河南里許天生石橋下有穴深數丈上則寬闊宏敞朝頂者必由是而上

鳳凰臺在縣治東南距城五十里許鳳山上土人相傳有石仙趕鳳凰入臺仙立守之至今臺內有鳳翅痕臺口有石仙形自臺而東山腰峙一石門門首有鳳仙詣途四字由門而上爲鳳凰臺東望展誥西顧盃纓二山相映臺岩下有玉皇觀二仙祠及三教堂樹木蔭翳左右環列洵勝地也

白陘在陵川與輝縣接界 按郭緣生遠征記云太行首始河內自河內至幽州凡八陘爾雅山中絕曰陘第一軹關陘第二太行陘第三白陘此三陘在河內第四滏口陘在鄴西第五井陘

陵川縣志

卷八

古蹟考

三

第六飛狐陘第七蒲陰陘此三陘在中山第八軍都陘在幽州義井縣西二十里義井村地少水一井味獨甘里人以次汲孤石城東南一百一十里乾河道中有孤石大畝許不與四山連傑然獨秀於黃塵坦蕩間其狀偃蹇如蹲其形五色如煉天下奇觀也環石居者名孤石村

石佛碑在縣東二十五里神山頭碑鐫定和弟子孟光等字蹟模糊係隋開皇二年刊立

佛山石佛邑東北四十里昔有牧羊子在山中枕石佛眠夢與語曰將余負至山巔與余立廟可以護佑一方因而立寺石佛座下有古洞時有雲出

雙龍洞在邑東六十里洞廣二間中有天生龍形盤繞石上久而
不磨同治間有病瘋者入洞將龍鱗削去數年後龍形復生鱗
爪悉具其神異如此

劉秀城邑東百十里王莽臺之東南山上有古城遺蹟城邊有旗
杆石城北有梯名北坡梯俗云劉秀受王莽之逼從此梯而逃
陵墓

晉石勒塚在縣西北一里崇安寺門左晉記載咸和七年石勒死
夜瘞山谷莫知其所備文物虛瘞號高平陵史稱勒附劉淵後
將曩代帝王及先賢陵墓靡不發掘勒座其母王亦爲虛塚蓋
勒暴轢中土自知稔惡懼後人發掘其墓陵川或以其地僻而

陵川縣志

卷八

古蹟考

四

易匿也傳勒塚在佛座下其門左者尙屬疑塚云又榆社縣亦
有石勒塚

唐宋侍郎墓

失名

縣西南三十里

宋都轉運使貺墓縣南二十里義門村有碑記及石羊虎

金趙義士振墓縣東二里仕林庄

劉景元昂霄墓縣東南二里楸樹窰元遺山有志銘

郝處士天挺墓縣北三里詳註古蹟郝處士碑下

少傅墓

失姓名

縣南五里

趙狀元安時墓縣東仕林庄

武氏三狀元墓在蘇村方二十畝詳載地理一統志全書

侍郎武俊臣墓在仕林庄三角原

元李朝列順墓縣東南二里楸樹窠有翁仲石羊虎

牛侍郎潛墓縣西北三十里池下村

蘇尚書萬初墓縣東窠庄東郭外有神道碑

李尚書廷實祖墓在楸樹窠

李昭容墓在楸樹窠唐福王綰後殿直宜兒元貞元年選入昭

容閣

路尚書元墓在附城鎮

戶部員外贈太常少卿申良墓在翠微山李士元作志銘

明張御史凝墓在少傅川

陵川縣志

卷八

古蹟考

五

武烈女繼姑墓在縣東十五里莊兒村

張卿伯瓚墓縣北八里魏家庄

李主事衡墓在縣東五里

府志作李鐘

武江甯令錡墓在縣東五里雲谷圖

武金壇令思明墓在縣東二里

清曹僉憲墓在池下村

李烈女大姐墓

與聘夫郝二髦同穴

在魯山村

進士趙一心墓在嶺細村

南豐令秦克俊墓在罐泉村

薛御史鳴皋墓在三泉村南庄

中華民國劉委員墨樵殉難碑在縣政府

附義塚

同治八年邑令楊光海置買義塚地兩處掩埋無主尸棺

附載

一覽亭在濟瀆廟右

龍王山塔王令宏遠建

古郊村孫令必振改爲重興鎮

硯池在學宮東南隅邑令陳封舜念科甲寥寥鑿池於奎樓之

南故名今俗名爲官泊池

慶有亭邑令施敬勝建

陵川縣志

卷八

古蹟考

六

大觀亭邑令平鄙鼎建

東潑亭陳令封舜建

南嶺五魁樓文峯塔陳令封舜建

龍門塔陳令封舜建

喜雨亭邑西南五里許鳳山麓龍王祠右有湧泉一泓絕清冽

四時不涸匯于前爲曲水有亭翼其上址臨沙磧每修輒圮

乾隆壬辰知縣程德炯相地勢移建於左麓時適禱雨有應

遂仿蘇公意匾曰喜雨亭而爲之記

宦蹟錄

一命之士苟存心於利物於人必有所濟縣令爲親民長官

乃國家最要官職政平訟理純係於此存心利物則民之被其澤者大矣可不勉哉志宦蹟

唐崔琛咸通間縣令勤懇愛民期月而治頌德者比之甘棠當日有禮義村嘉禾瑞應事祀名宦

府志作崔燦誤

宋董沔元豐間縣令有學識時王安石新法嚴切沔陰以寬濟民又抗疏請毀淫祠及罷一切不及之務祀名宦

呂由庚元豐間縣令以瀛州防禦推官知縣事教養兼行士民戶頌提刑學士黃公廉贈以詩祀名宦

金魏致隆

府志名繼隆誤

天會中令首重學校與主簿趙大允計遷聖廟於城內率諸生詣學講習彝倫風俗翕然不變焉祀名宦

陵川縣志

卷八

宦蹟錄

七

田居敬貞元中進士爲令甚嚴政刑無苛無濫吏畏民懷士尤賴其陶鑄甫下車立學校聚諸生親教之是時上春官中選者有張鎔明年秋禾根隔五壠同穎民以爲善政所感同年邑人趙安時記其事祀名宦

元泰太原秀容人泰和中任仕學俱優以陵川風土完厚人質直尚義爲子求師此州爲宜乃就調陵川縣令挈從子好問往就學於晉卿郝先生德器大成爲時名賢

元張黼銅鞮人至正間由高平教諭遷陵川尹時破頭潘關先生自鄴攻潼關兵臨城扞衛力盡不屈而死祀名宦

申大中大德中任綽有政聲

明王憲鄞縣人宣德初知縣性體安和政刑寬大凡鞫獄察其詞
屈薄懲之復委曲導化以寡民過民皆感激爲良善在任數載
幾致措刑去官時老幼送之相望於道

任通易州舉人景泰間縣尹勤於爲政視官事如家事百廢以次
修舉民被惠累世不忘時稱古之遺愛焉

李澂定州舉人成化年任有詩聲

任玉鄜州人成化間縣丞廉明正直嘗自言曰不敢求安以病民
其矢志如此卒於官民痛惜之

孫磐遼東進士宏治丁巳來尹是邑爲政務在抑豪強恤孤弱使
貧富大小各得其所先是坊廂人役下鄉拘攝小民不勝其害

陵川縣志

卷八

宦蹟錄

八

乃出令嚴禁之民不爲擾各里桑園久淹沒躬督民勤力布種
利始不棄於地又設法措置雜糧十萬石以賑凶荒所全活者
甚多至於弭盜賊均徭役息訟獄諸善政不一而足尤勤於造
士率諸生朝夕課之鄉舉二人皆名雋鄉立社學童子就業者
三千餘自集養正編並小學四書養蒙大訓使之誦習歷二載
以憂去士民遮道泣送爲立去思碑載其實政祀名宦

楊璽禹城舉人宏治中任誠心撫字不事催科民無追呼之擾有
興作不輕用民力凡可得已者悉免其役時有慈母之頌

袁淮任邱人進士嘉靖間縣尹甫蒞任勸闢田教勤畊示之本申
祖訓示之恭去貪放猾示之法祀賢廣教示之禮緩征禁索示

之靜閱十年民獷變而良俗鄙變而雅善政入人深也立貞白書院祭酒崔銑爲作遺愛記以誌民之不忘祀名宦

李麒涇州舉人嘉靖間任不尙峻厲亦不爲姑息性明決勇於任事初邑城舊覆以土漸就傾頽乃鳩工甃以磚石城始完固又嘗勸農桑俾知務本無游惰苟安者值歲歉散穀賑饑民無菜色時稱爲良牧

劉廷儀慈谿人進士嘉靖中任強毅公正不阿上官以廉儉約己興學校陶鑄人才彬彬有造有德邑多盜出幹役擒捕之無漏網四境帖然尋擢御史

趙孟乾選貢禮縣人嘉靖中任修廢舉墜勤於整飭舊邑志其纂

陵川縣志

卷八

宦蹟錄

九

輯也陞太原府通判

孫紹先萊陽貢生嘉靖中任下車即詢民疾苦邑中一切咸取辦里甲有歲例有常供有公筵直日諸浮冗紹先釐爲六事聞於上官悉裁之且鐫石垂永久邑在金元時賢豪輩出因念廟學爲育才重地遂用縉紳士議遷東城外舊址自是人文日盛頑民負官租歲以爲常乃示催徵之限不候箠鞭民爭相輸納不逾月而立報竣民素苦徭重一役出中人之產破紹先悉知戶口單弱力爲調停凡驛傳庫斗諸役各准丁賦劑量爲式而小民始安他若墾荒蕪以贍困瑩招流移以復本業敦行鄉約練習民兵諸所浹洽民心者甚深歷二載歸去民攀轅不忍舍爲

建生詞立德政碑祀名宦

馬世忠監生甯晉人嘉靖中縣丞增修磚城

馬宗孝貢生萬全都司人隆慶初令尹爲政嚴明禁礦盜抑市豪以私干者即實於法奸吏不爲蠹治民則濟以寬植桑數多者賞布絹墾田乏力者給耕牛丈地均糧建宮修學士民德之擢少府

劉汝江貢生贊皇人萬歷中縣令御衆以寬惻怛施惠初稅糧常逋欠民苦追呼汝江特定輸納之限令自完辦民果如期而至舊城多圯壞池壅塞率民修治完固又均徭役僉驛傳常捐俸以濟貧不能葬者祈雨皆應太常卿高平郭東作劉馬去思碑

陵川縣志

卷八

宦蹟錄

十

記

李士登進士洛陽人萬歷間任少年勵清操精吏治老練者不能過尤加意作人指授文法士多向風官至方伯

許自嚴選貢井陘人萬歷時任政清刑簡專尚教化和平寬厚不虐民以取媚其修邑乘語曰一官之去率不過五稔邑志之修當於此時以官之始去撫拾最真而官之既去其評隲又易公則其爲政可知陞臨洮府通判民歌思不衰

馬如龍安塞人選貢萬歷間任置木皂數十凡訟者受攝牘懷一皂往當攝者莫不悚然就訊無胥吏之擾徵輸立限以次俾民易於上納徭役各分煩簡俾民易於力任縣堂明列科條搜剔

弊蠹役屬凜若神明偷竊斂跡幾於夜戶不閉訟獄立剖案無留牘他若課農養老招流亡備荒歉次第畢舉且留心學校政有餘閒輒飭學規新禮器以經義策諸生期月忽以憂去服闋補順德縣復調郡倅邑人思而不忘太常卿郭東紀其事於石張堯輔宜川舉人萬歷間來任毅然有志操通達庶事緩催科均徭役撫民以治行稱陞灤州知州

雍獻策睢州舉人萬歷中任存心純厚蒞政廉平左遷去邦人惜之

司之翰林縣舉人萬歷中任長於詞賦

王治舉人平涼人萬歷中任愛民造士

陵川縣志

卷八

宦蹟錄

十一

張汝濟通州舉人萬歷中任清操自勵率真而行

張自蘊舉人即墨人萬歷中任惠民抑強興起斯文調介休縣

鄭悅民貢生陝西人天啓中任風度端凝首嚴士習

楊驥徵選貢安塞人崇正間任時猖賊肆虐王觀察肇生提兵親勦驥徵內籌軍儲外佐擘畫卒能殲賊爲政獨持大體並優詞賦政間務簡不廢歌謳著有清霞閣草

劉本郴州人天啓中縣丞一介不取克儉官常

謝志安恩生江南人崇正間以州同署陵川縣事流寇猖獗山城危如累卵志安激忠義以勵人心設奇禦敵有再造功

蕭獻瑞舉人湖廣五開衛人崇正間任宏襟雅量重士興文

朱奉鏞貢生四川人崇正間任貴德重農

王肇生山東掖縣貢生崇正初任潞安兵備分巡冀南道時陵川西南界水峪村有猗賊久竊據聚黨數千人劫掠鄉村淫殺狼藉陡占山險莫可誰何肇生履任即欲勦除而各屬依違諱匿未敢發乃毅然躬歷所部先遣中軍陳承業指揮張承龍率兵保守陵川縣城自統衛卒鄉壯與河南副使祝萬齡合兵搗其穴入馬武京寨殺賊首二百級生擒者三百餘六戰焚其巢所得資財均給士卒未幾流賊勢合河北蜂擁蝗集肇生督戰與賊爭險賊因窮谷而上遂爲流矢所中陣亡據平鄆鼎祠記陳承業張承龍皆死之邑人王鼎新等爲之塑像立祠祀名宦

陵川縣志

卷八

宦蹟錄

十二

董時增千總初隨肇生與賊戰賊逼肇生幾不免時增以身捍之手刃數賊死

靳朝鮮千總賊竊發時朝鮮先與之戰死之

陳承業張承龍與董時增靳朝鮮俱武弁也董以身捍將主靳以殺賊先登陳張力戰死於行陣臨難不避可以勵節因附紀王兵備後

是時縣令楊驥徵籌軍供餉長子丞章聯松守城運糈贊丞王國柱多所擒獲捕尉王維敬斬捕獨衆

守城者北門則學博高可久南門則千總李植東門則貢生婁銘流賊走陵川督兵則晉撫宋統殷宣大統制張宗衡統殷軍至陵

川扼其北歸賊死鬪互相勝負宗衡兵駐高平統殷肇生畢會破賊於桑子鎮

清劉玘貢生臨朐人潔己愛民不狗上官尤善於摘伏

李向禹遼東鐵嶺人順治五年以貢生來知縣事己丑姜瓖之變兵逼城下妻王氏曰君職守土無以家爲念向禹率家人馳出王氏用白練自縊二女暨婢從殉城陷向禹被執誘之降復怵以兵卒以不屈死越八年後任黃國瓌始上其事贈山西按察司僉事廕一子入監

黃國瓌山東鄆城人選貢順治十二年冬履任是年久旱大饑斗米錢千五百民大困邑人徐交泰記謂陵邑數年中師旅交警

陵川縣志

卷八

宦蹟錄

十三

饑饉頻仍百姓散失國瓌招流亡勸開墾民無力治田及貧不自給者量給資糧助之少甦爲之修聖廟設義學置義田百畝於湯庄刻誠訓諸書導民於善禁役吏不得下鄉折獄明允不徇情枉法積弊悉除稱良吏之最歷年來陵之凋瘵爲之頓蘇越明年嘉禾生次年雙穗滿野民咸以爲善政所感上聞獎異之陞陝州知州

孫必振山東諸城人進士以懷慶推官裁補陵川縣邑中金元時廷試第一者凡六人後四十年不見科目必振至首以建學廟爲計繼而創書院督課諸生於是得連舉於鄉舊例解黃絲黃絹必振祛除其累省賦歸民民情稍舒除豪猾蠹役訟庭間闐

民咸樂生又續修縣志任六載遷御史去民遮道數百里既去立祠祀名宦

王宏遠山陰監生康熙三十年任矢志潔清重農桑崇學校聽訟則諄諄勸誨直如家人父子然不復立威嚴以畏民行鄉飲酒禮建文峯塔二時人勒碑曰王公卓筆峯邑人士至今頌之陞北直滄州知州

平鄙鼎山陰副貢生康熙四十年任其治陵川最久勤於修舉惠愛及民民往往有陰受其福而不知者時方議徭役征稅貢賦等他縣悉照議輸納陵川獨不及鄙鼎蓋密籌籲請得免亦并不言其獨免之故以布德於民迄今士人知之者猶誦爲眞長

陵川縣志

卷八

宦蹟錄

十四

者也當康熙三十五年間前令去任時將所欠田糧改注倉穀歷年既久里長受累甚重平公代捐六百餘石民困得紓

曹茂先江西新建人拔貢雍正三年由試用鳳臺來署陵川蒞事明達以興復爲己任不因署篆稍諉方詳請修學文未轉而將代獨先捐修崇聖祠一所并倡捐數百金貯之以待取給焉

因係

署任未
列官師

胡拱樞縣丞浙江山陰人康熙元年任屢署縣事慈惠寬平邑人相率公籲崇祀名宦

雷正實心爲民毫無科歛祿養不繼嘗捐家資數千且重開水口纂修縣志書邑人德之

吳之璘廉謹鎮靜約已便民

陳封舜甫下車教養兼施見邑中文風不振創立書院延師訓誨身親督課朝夕不倦又補文峯數處嗣後人文蔚起科第連茹且勤於勸農俾百姓有賣劍買犢之慶蒞任九年時和年豐邑人祠祀之

施敬勝居心廉靜馭下和平承地方疲敝之後民賴以甯奉令辦公餘資數千毫無所染悉增修

聖廟自孫公之後百餘年來有功德於陵邑者惟公爲最士民祠祀之

王篤祐乾隆年間任修廢舉墜有利必興爲郝文忠公創置祠田

陵川縣志

卷八

宦蹟錄

十五

令其裔孫承祀復捐金生息以爲教養之資移城外書院於城中署東增修講堂內外齋舍數十間俾肄業得所又於南城外置在官夫田若干畝人沾實惠去任後邑人建碑祀之

程德炯乾隆年間任勤於政治興復普育二堂以濟老幼之貧者重修邑志躬歷山川圖繪關隘芟繁增簡斟酌盡善在任八年去

熊中砥乾隆年間任勤課耕桑創修祠宇際月課書院聞一才士卒痛哭而歸其仁厚可知

門祥麟嘉慶年間任淡泊自守不阿上官卓著廉聲每日輒作束裝狀嘗曰吾十八年校官至此不畏謫也

羅璿嘉慶年間任恩信素著時值豫匪近邊上憲駐軍協防公率紳親守隘口遏賊西竄之路以積勞卒士民惜之

強上林道光初年以庶常蒞任治多善政修城垣補水口勤課書院俾肄業諸生五日一晤親督課程見邑距省途遠資斧維艱創捐鄉會費三千金以資寶輿自是科第不絕爭頌其德以憂去任工大小楷遺蹟甚多邑人於文昌宮後院建碑祀之

謝照道光年間任居官清儉課士得人精於文衡時人服其賞鑒劉承寬道光年間任剛毅有爲斥唆訟勤窩賭豪猾斂迹嚴禁婦女遊觀勸行蠶織捐復社義倉二千餘金賑荒濟貧獎勵士子多所成就政聲藉甚

陵川縣志

卷八

宦蹟錄

十六

陳泰華咸豐年間任循謹愛民終於官有詩名

朱光綬光緒年間任實心愛民刑杖不施有蒲鞭之風創捐武鄉試公費因時嘉惠期年調任萬泉

徐焯陝西朝邑拔貢宏才大略有守有爲光緒己卯年履任時正值大禔之後所有善後事宜朝夕籌畫倍至憂勤凋敝餘生賴以安撫舉凡災地情形民間疾苦一一痛切稟陳上憲屢邀批示嘉允且爲邑請免無着老荒地糧永除民累尤功德之最著者在任九月調長治縣去

華鳳章字藻銜清進士清廉耿介民深愛戴聽斷公允獄訟爲稀翁葆昌字禮卿清正廉明熱心學務

章之傑字仲選浙江山陰人舉人由大挑揀選知縣清光宣間任捐置聖廟祭器多種在陵未久而官聲卓著爲人光明磊落憂國愛民歷任陽曲永濟等縣入民國遂絕意仕進僑寓北平有古隱士之風

計登瀛字琴生清進士學問優長寬厚愛民

以上清

馮仰璧字宗獻崞縣人勤政愛民官聲卓著改修河渠挑治街道地方甚蒙其惠

王錫禹字九疇本省朔縣人法政畢業保薦縣長在陵五年有餘民甚愛戴邊縣多事斡旋之力爲最多至大軍過境及丁匪入城通權達變應付有方地方大受其福旋辭職二十年署聞喜

陵川縣志

卷八

宦蹟錄

十七

現署沁縣

以上民國

明教諭路泰曲阜人洪武間有功於修學

劉商梅德州人有師範

韓廷聘洪洞人師資可法

馬授義正定人課士得人

孟學周遼州人儀度端肅

霍朝重馬邑人文足範世

李守正平定州人嫻於詩詞

陳正渾源州人有詩名

劉思孟武原人課士有方

陳復甯鄉人博學鴻才

張養奎安肅人剛正不阿金玉其品

柳有聲洪洞人溫厚謙和

高可久壽陽人工大篆能詩獬賊作亂守北城

王繼魁大同人敦誠謹厚有古人風

清教諭陳宏周陽曲人藹然可親多士式化

明訓導關釗寶鷄舉人成化間任樂於啟迪

朱幹監生南宮人成化中任端重謹恪德量化人

郭聰磁州舉人宏治中任造就多方

崔肇先耀州人端謹足法

陵川縣志

卷八

宦蹟錄

十八

韓與立交城人藹然相接如坐春風

清訓導弋熏安邑人運司歲貢康熙中任在任增修學署歷官詹

事府掌印主簿

張倬歲貢臨汾人雍正二年調補主簿品端才優教士有法

黃同勳典史山陰人工書儉以養廉不滋詞訟爲少尉清廉之最
史長貴典史精明強幹遇事有爲光緒三年教匪竄入奪火鎮率

勇退寇民感其德

